

SAKSPAPIR

Saksnr	Utval	Type	Dato
066/21	Formannskapet	PS	06.10.2021
080/21	Heradsstyret	PS	13.10.2021
084/21	Heradsstyret	PS	10.11.2021
091/22	Heradsstyret	PS	19.10.2022

Saksbehandlar	ArkivsakID
Hilde Gunnarson	21/1479

Barnehagebruksplanen 2021-2030

Vedlegg:

Krav om sak på sakliste

Status barnehagebruksplan - pr. oktober 2022

Barnehagebruksplanen 2021-2030, Endra saksframlegg etter utsetting

Barnehagebruksplan 2021-2030, ny og oppdatert plan etter HS utsetting 13.10.21 - til politisk behandling nov.-21

Barnehagebruksplan 2021-2030, gammel versjon til politisk behandling 13.10.21

Merknadsoversikt bhg.bruksplanen 2021-2030

Svar på spørsmål i saka frå Rita Tveiten, AP

Rådmannen sitt framlegg til vedtak:

Barnehagebruksplanen vert vedteke slik den ligg føre.

Formannskapet - 066/21

FS - behandling:

Henrik Øksnes, FRP, gjorde slikt framlegg: "Oversendes heradsstyret uten innstilling."

AVRØYSTING:

Henrik Øksnes, FRP, sitt framlegg - Samrøystes vedteke

FS - vedtak:

Oversendes heradsstyret uten innstilling.

Heradsstyret - 080/21

HS - behandling:

Framlegg og votering i saka følgjer av voteringsprotokoll som ligg nedst i møteboka, etter siste sak 079/21.

HS - vedtak:

Saka vert utsett til neste møte

Heradsstyret - 084/21

HS - behandling:

Kommunalsjef for Oppvekst, Undervisning og Kultur og leiar for barnehag møtte for å orientere i saka.

Hjalte H. Gislason, H, gjorde slikt framlegg:

"Kapittel 7, del «Barnehagar i Valestrand-området» kulepunkt 1 «Rådmannen tilrår å avslå søknaden frå Trygge Barnehager om å byggje ein ny barnehage» vert endra til:
Rådmannen godkjenner søknaden frå Trygge Barnehager om å byggja ny barnehage på Rundhovde. Den nye barnehagen kan ha opp til fire (4) avdelingar med oppstart i 2023. Trygge Barnehager kan søkja om eventuell utviding til fleire avdelingar ved seinare høve.

Grunngjeving:

Vinteren 2018/19 gjennomførte Norconsult eit utvida tomtesøk i Valestrandsområdet for ny barnehage. Formannskapet vedtok i sak 015/19 å velja tomte «Rundhovde 1» som lokalitet. Det er akkurat den Trygge Barnehager ynskjer å ta i bruk."

Hjalte H. Gislason, H, gjorde slikt framlegg:

"Kapittel 7, del «Barnehagar i Valestrand-området» kulepunkt 4 «Rådmannen tilrår at kommunen går i dialog med Reppen barnehage om å utvide kapasiteten dersom Valestrand barnehage vert lagt ned august 2023» vert stroke.

Grunngjeving:

Det er opp til privat barnehageeigar å sjølv vurdere om dei ønskjer dette eller ser at marknaden etterspør større tilbod"

Roald Åge Kleppe, SV, gjorde slikt framlegg:

"Mjøsdalen barnehage vert ikkje lagt ned."

Henrik Øksnes, FRP, gjorde slikt fellesframlegg frå FRP og AP:

"Punkt i Strukturtabell samandrag tabell 10, side 28 vert følgande endra:

1. Drifta ved Valestrand Barnehage vert oppretthalde.
2. Hauge barnehage utvider ikkje kapasiteten.
3. Trygge barnehagers søknad vert tatt stilling til i eige sak.
4. Familiebarnehagens søknad vert tatt stilling til i eige sak .

5. Barnehageplan vert å gjelde fram til 2025."

Merete Birgitte Bortne, MDG, gjorde slikt framlegg:

"1. Kapittel 7. Barnehagar i Valestrand-området, kulepunkt: Dersom drifta av Reppen barnehage blir avvika i planperioden, vil Osterøy kommune overta drifta av barnehagen dersom ikkje andre aktørar melder seg til å overta drifta.

Grunngjeving: Valestrand si folketalsutvikling tilseier at det bør vera barnehageplassar der. Med ny barnehagebruksplan vil barnehageetilbodet på Valestrand vere utelukkande i privat regi frå 2023. Dersom privat aktør av ulike grunnar endar opp med å avvika drifta i løpet av planperioden, vil det vere naturleg at kommunen tek over og sikrar kapasiteten i dette omtådet."

AVRØYSTING:

Fellesframlegg frå FRP og AP, punkt nr 1 1UP, 6FRP, 1SV)	- vedteke	14 røyster (4AP, 2SP,
	mot	12 røyster
(3SP,1MDG,1V,4H,2KRF,1SV)		
Roald Åge Kleppe, SV, sitt framlegg	- fell,	1 røyst (SV) mot 25 røyster
Hjalti H. Gislason, H, sitt framlegg om "Trygge bhg"	- fell,	5 røyster (4H,1V) mot 21
røyster		
Fellesframlegg frå FRP og AP, punkt nr 3 1UP)	- fell,	12 røyster (6FRP, 4AP, 1SV,
	mot	14 røyster
(5SP,1MDG,1V,4H,2KRF,1SV)		
Fellesframlegg frå FRP og AP, punkt nr 4 1UP)	- fell,	12 røyster (6FRP, 4AP, 1SV,
	mot	14 røyster
(5SP,1MDG,1V,4H,2KRF,1SV)		
Merete B. Bortne, MDG, sitt framlegg	- vedteke	17 røyster(6FRP, 4AP,
2SP, 2H, 1MDG, 2SV)		mot 9 røyster (2H,
3SP, 1UP, 2KRF, 1V)		
Fellesframlegg frå FRP og AP, punkt nr 2 1UP, 6FRP, 1SV)	- vedteke	14 røyster (4AP, 2SP,
	mot	12 røyster
(3SP,1MDG,1V,4H,2KRF,1SV)		
Fellesframlegg frå FRP og AP, punkt nr 5 1UP, 1H, 6FRP, 1SV)	- vedteke	15 røyster (4AP, 2SP,
	mot	11 røyster
(3SP,1MDG,1V,3H,2KRF,1SV)		
Rådmannen sitt framlegg med dei vedteke endringane	- vedteke	16 røyster (4AP, 2SP,
1UP, 1H, 6FRP, 2SV)		
	mot	10 røyster (4H, 3SP, 2 KRF, 1V)

Framlegget frå Hjalti H. Gislason, H, omkrig utviding av Reppen bhg, fell automatisk som følgje av kva som allereie er votert over og vert difor ikkje votert over i eige votering.

HS - vedtak:

Barnehagebruksplanen vert vedteke med følgjande endringar:

Kapittel 7. Barnehagar i Valestrand-området, kulepunkt: Dersom drifta av Reppen barnehage blir avvika i planperioden, vil Osterøy kommune overta drifta av barnehagen dersom ikkje andre aktørar melder seg til å overta drifta.

- Grunngeving: Valestrand si folketalsutvikling tilseier at det bør vera barnehageplassar der. Med ny barnehagebruksplan vil barnehagetilbodet på Valestrand vere utelukkande i privat regi frå 2023. Dersom privat aktør av ulike grunnar endar opp med å avvika drifta i løpet av planperioden, vil det vere naturleg at kommunen tek over og sikrar kapasiteten i dette omtådet

Punkt i Strukturtabell samandrag tabell 10, side 28 vert følgjande endra:

- Drifta ved Valestrand Barnehage vert oppretthalde.**
- Hauge barnehage utvider ikkje kapasiteten.**
- Barnehageplan vert å gjelde fram til 2025.**

Heradsstyret - 091/22

HS - behandling:

Turid B. Njåstad gjorde slikt utsettingsframlegg: "Rådmannen skal greie ut konsekvensane av utbygging av privat barnehage på Rundhovda. Heile barnehagebruksplanen skal bli sett på sakskartet i første kvartal 2023"

AVRØYSTING:

Utsettingsframlegget fall: 12 røyster (1MDG, 5SP, 1SV, 2AP, 2KRF, 1U) mot 25 røyster.

Framlegg og voteringar elles i saka kjem fram i voteringsprotokoll som ligg vedlagt nedst i den samla møteprotokollen

HS - vedtak:

Barnehagebruksplan 2022-2030 vert vedteken med følgjande endringar:

- Heradsstyret gjev løyve til bygging og opning av ny, privat barnehage med fire avdelingar på Rundhovde.
- Valestrand barnehage vert lagd ned når ny barnehage står klar på Rundhovde.
- Rådmannen kan gå i gong med andre byggetrinn av Hauge barnehage når kommunen sitt behov tilseier dette.
- Kulepunktet i kapittel 7 «Barnehagar i Valestrand-området»: «Dersom drifta av Reppen barnehage blir avvika i planperioden, vil Osterøy kommune overta drifta av barnehagen dersom ikkje andre aktørar melder seg til å overta drifta.» vert stroke.

Saksopplysningar:

Saksopplysningar:

- Høyringsperiode for Barnehagebruksplanen 2021-2030 har vore 20.06.2021 – 31.08.2021.
- Det har kome inn 13 merknader og merknadane er samla og svara ut i eit dokument. Visar til vedlegget «Merknadsoversikt».
- Endringar som er komne til etter første handsaming er retta i Barnehagebruksplanen 2021-2030 og denne teksten er merka med raudt.

Målsettingane som ligg til grunn for planen er:

1. **Foreldre får barnehageplass til rett tid i Osterøy kommune**
 - Osterøy kommune innfrir lovkravet om rett til barnehageplass i kommunen for *barn som fyller eitt år innan utgangen av november og som ikkje har barnehageplass.*
 - Osterøy kommune tilbyr barnehageplass gjennom året når nokon søker barnehageplass så langt bemanninga tillèt det.
 - Barn født frå desember til juni må ikkje vente til august etter dei er fylt 1 år for å få barnehageplass så langt bemanninga tillèt det.
 - Tilflyttarar får tilbod om barnehageplass når dei har behov så langt bemanninga tillèt det.

2. Osterøy kommune har ein berekraftig barnehagestruktur

- Det er barnehageplassar tilgjengeleg i dei fire lokale sentra.
- Osterøy kommune etablerer ikkje nye barnehageplassar i sentre som har overkapasitet.
- Barnehagebruksplanen gjev føringar for utforming av barnehagar for framtida og for utbetringar i eksisterande bygg.
- Barnehagestrukturen skal støtte ein heiltidskultur for tilsette og arbeidsgjevarane i Osterøy kommune.

Bakgrunn

I åra 2000 - 2018 var det tilflytting av barnefamiliar på Osterøy og fødselstala var høge. I fleire år var det behov for om lag 20 nye barnehageplassar og dei barnehagane som kunne utvide kapasiteten gjorde det. Etter 2018 har folketalsutviklinga flata ut, men i 2021 har fødselstala stege igjen. Vi har 8 barnehagar i Osterøy kommune i dag.

Barnehagebruksplanen er svar på eit vedtak i Heradsstyret 9.desember 2020 knytt til midlane på investeringsbudsjettet post 1252:

*Posten vert endra frå «Utviding Hauge barnehage» til «Utviding av kapasitet i barnehage»
Kvar midlane skal nyttast vert bestemt etter at det Heradsstyret er førelagt ein analyse av
framtidig kapasitetsbehov i barnehagane.*

Vurdering

Rådmannen vurderer at Barnehagebruksplanen 2021-2030 skildrar godt dagens barnehagestruktur sett opp mot dei demografiske utfordringane og behov for fleksibilitet i tilgjengelege barnehageplassar i heile kommunen.

Folkehelse: Mange barn og foreldre vil kunne gå til og frå barnehagen i dei fire lokale sentra. Dette er i samsvar med Kommunedelplanen sin samfunnsdel for 2021-2031 og målsetting for dei lokale sentra. På Valestrandsfossen har den privateigde Reppen barnehage gangavstand til sentrum og den kommunale Hauge barnehage kort veg med bil eller offentlig transport, og foreldre kan velje det som er rett for dei. For tilflyttarar og foreldre som avsluttar fødselspermisjonen vil det vere positivt for familien å få barnehageplass når dei sjølv vurderer å ha behov for det.

Miljø: Nedlegging av barnehage i Mjøsdaalen og Valestrand vil føre til meir bilkøyring for familiar, noko som er uheldig for miljøet og fleire høyringssvar visar til familiar må då skaffe seg ein bil nr 2.

Økonomi: Auke i bilkøyring og at nokre familiar har behov for to bilar kan vere ei betydeleg økonomisk belastning for familiar. For tilflyttarar og foreldre vil det spele inn positivt å få barnehageplass når dei har behov for det, slik at dei kan ta seg arbeid. For kommunen og private verksemdar vil det vere økonomisk gevinst å få medarbeidarar i jobb når dei har behov for det. Ei nedlegging av dei to minste barnehagane fører til ei årleg innsparing estimert til om lag 1,7 millionar. Bemanninga i dei to barnehagane vert fordelt i barnehagar som får auke i barnehageplassar og er ikkje teke med i reknestykket.

Konklusjon

Osterøy kommune oppfyller i dag lovkrava om å tilby barnehageplass i kommunen. Tiltaka som rådmannen tilrår tek utgangspunkt i oppfylling av målsettingane for planen og ein berekraftig barnehagestruktur.

- Prognosane for folketalsutvikling kan vere usikre og som fleire høyringssvar påpeikar er det i Valestrandsfossen og Lonevåg-området sannsynleg auke i barnetal, medan barnetala vert lågare i utkantane.
- Dersom første målsetting om å tilby barnehageplass til foreldre når dei har behov for det skal oppfyllest, vurderer rådmannen at tilgjengelege barnehageplassar må vere plassert slik

at dei når eit størst mogeleg geografisk område. Rådmannen tilrår difor at Hauge barnehage vert bygd ut. Den kan vere attraktiv for foreldre busett i Valestrand, Lonevåg og andre som køyrer eller tek buss forbi til og frå jobb og skule.

- Rådmannen meiner at kommunen har økonomisk handlingsrom til å oppfylle første målsetting dersom ein legg om barnehagestrukturen og legg ned to av dei minste barnehagane i kommunen.
- Rådmannen tilrår nedlegging av Mjøsdaalen barnehage frå juli 2022. Innsparinga er estimert til 575.000,- frå august 2022 til juli 2023.